

mie studairt ook aan Vrije Universiteit." „Joa zeker," zegt Berghuis, „dat is ja aine van joen bruijer Geert." „Krek, dei bedoul ik. Nou — dei kwam veur'n joar of wat ais bis ons op visite — kiek hij was dou 'n zetje student west — en dou 'k hom zag, dou zee ik: mien laive jong, wat zugst doe d'r ja roar uut. Nou, hij draaide d'r eerst 'n beetje om tou, mor ik begreep al hail gauw: dat kwam van dei gruinlooperij. Jong was d'r narig om, en ik nait minder. 'k Was in ain woord: kwoad. Mor wat wil 't geval? Van 't zummer in groote vacantie, kwam hij weer ais 'n dag bie ons. Dou hedde 'n hail zet bie mie in sniederskoamer zeet'n — och 't is 'n hail oardige en pladde jong — en dou kreeg we 't ook inains over dat gruinloop'n. Ik zee: doun ze bie joe altied nog aan dat gruinloop'n? „Ja oom" zee hij, „altied nog, maar U is geen voorstander van, hè? Ik zee: nee, mor doe toch ook nait? Veur 'n joar of wat hest d'r genog mit beleefd. „Is ook zoo oom, zee hij, maar ik ben er op 't oogenblik blij om, dat ze mij niet gespaard hebben. 't Is tenminste voor mij een gezonde kuur geweest, waardoor ik heel wat ben opgeknapt. Eerst later voel je dat zoo."

Vanzulf, dou hebb'n we doar nog wat verder over deurproat, moar joa, mien oomzegger was van 'n teeg'nstander 'n veurstander word'n. Wel wol hij tougeev'n, dat er soms dingen bie gebeurd'n dei verkeerd wazz'n, mor, zee hij, hoogleeroar'n en aal dei luu deden aalles wat ze kond'n, om dei te veurkoom'n.

„Dus, din zol dat nog 'n beetje mitvall'n", zegt Berghuis, wat zeg ie doar aingliek van, meester Smit."

„Och," zegt deze, „zoo zonder meer lijkt het mij ook wel eens een beetje raar toe, maar 't is voor ons, gewone menschen, altijd lastig om zulke dingen te beoordeelen. Daarvoor moet men eigenlijk het universitaire leven zelf mee doorgemaakt hebben. Huisman vertelde nu juist hoe zijn oomzegger er over dacht, welnu, ik heb ook al wel vaker dan eens een student aangetroffen, die de nuttige zijde van het groenloopen openlijk erkende. En ja — wat zullen wij, buitenstaanders er dan van zeggen?